



# Khantanhohi Tangkou

Constituent Member Church of ELCITHS | Regd.No.101 of 1987 Govt.of Manipur.  
Regd.No.194160073 with Ministry of Home Affairs, Govt.of India | melcindia.wordpress.com

November 20, 2009

Vol.No. I | Issue No. III

Motto: Na totna tantan na gam ahi ding hi. Joshua 1: 3

## “Ei ading in nausen khat ahing pieng hi”

Isai 9:6, Luke 2:7

- Pastor T. Kamsuanlal

Hattuum mi siengthoute na umpi un Khristmas Chibai! Tukum Khristmas masanga Pasianni nukhie pen tan mang thei a Pasion hepina itanna tungah Pasion in thupina tang hen. Khristmas kuon ahitoh kituoh in Jesu hing pienna dinga sil bang bang hing um a, bang hing chi pien amah chi kikum lei uthuoi kasa hi.

### Akhtna ah: Leitung mising simna toh kisai a ette tuohte ahileh:

- Tam pen Jesu pien ding toh kituohkha hilou in Zawlnai Micah in Jesu Bethlehem a pieng ding ahidan thu ana gen, Joseph leh Mary te Nazareth khuo a teng ahizieh uh ahi hi. Pasion in Rome lengpa a control a Bethlehem apien theina dinga Lengpa'n thukhaam a suoh ahizieh bou ahi.
- Pasion in Leitung a leng leh lalte a thu thu a a sawi thei kilatsahna di umlou chi akilat theina di ahi bou hi.
- Jesu gingta a Pa deilam bawlte vangam Census kelnguoinou hinna laibu a gellut ahina kilatsahna ding ahi.
- Kisimpina a Judahte a tellou um theilou, tuomi banga misie leh mipha, i hoina leh isietna, isep bang bang Pasion mitmu a i nichin hinkhuo a iki gellut zing uh kilatsahna ahi.

**Anina ah:** Lengpa thupieh dingzui in Joseph leh Mary in Nazareth apat Bethlehem mel 80 vel lampi a zotlai un Leitung mihingte ngaituona ah Bus, Auto, Taxi leh vanleeng lah umlou, hamsa mama ding in i ngaitu uhi. Hinanleh a singa Jesu Khrist um ahi man in ahamsa mama pen Jesu'n thuohpi in Bethlehem damtah in va tung uhi. Tami in Khristiante hamsatna ituoh hun in zong Jesu toh thu zing lei a hamsa pen zong thuoh jou ding ihidan ang tanglang hi.

### Athumna ah: Bang di'a Pasion in atapa pienna di'a Bethlehem vate ateel e?

- Pasion in a zawlneite leh kamsangte anazah dungjui a na Asep jel ahidan (Micah 5:2) kilatsahna ding ahi. Pasion thu ana kigente pen mawhna a bei lou a tangtung tou tou ding ahidan a ensah hi.
- Bethlehem pen Hebrew ham a “Tanghou” china ahi. Hinna tanghou Jesu pen tanghou inn a apien ding Pasion dei ahi. Jerusalem apat Bethlehem pen mel 5 vel a gamla ahi. Nang zong Pasion ta nahi naki chet apat nang ngel ngel zang a Pasion in tanghou hawmzah ding ahi.

### Alina ah: Bawnginn lah zintunna ki banglou.

- Zintunna inn a va tung zousien tunman/giehman apieh uh ahi. Hinanleh bawnginn ah tunman umlou hi. Tami'n a etsah ahileh Khrist a hinnatha khu manbei, Hutdamna pen amanbei lei ngailou chi ensah hi.
- Zintunna inn ahileh nopsahna, bawngbu ahileh suongkohawm toh kinai ahi. A etsah ahileh siiemthu, nopsahna toh Jesu kimu thei lou, apu dang maimai Jesun deilou, i sunga Jesu apienna ding in kingaangiemna poimaw hi.
- Zintunna Innte ahileh Leitung a mite sum suina, alien alal, a zawng ahau kikhenna ahi. Hinanleh bawngbu pen bawng a thau, a gawng, alien a meng te kibang a noptah a agiekhawmna uh ahi. Tuama bang in Jesun zong kikhem tuomlou a michin ki banga hingkhawm din hing dei hi.

**Thukhupsitna:** TUnin Pasion in ei dinga naungah Jesu ang pieh pen, a gen theina dinmun zong phamaw sa vate lou a Jesu nungjui ding in ang dei hi. Pasion in bangkim a thei a, bangkim a bawlthei a, bangkim a mu chien mama hi. Ama banga siem ihi uhi. Bang din mun ah na ding ei ki enchien vai. Mi chin sungah naungah Jesu hing pieng chietta hen. Amen!

## ELWAGOLDENJUBILEE

ELWA Golden Jubilee (Jan 15-17, 2010), LYF Khangpidaw Gospel Olympic leh MELC Council ah Pi Niangzadim [Founding Member, ELWA] Nh. Haumuanching (Chairperson, ELWAD), Nh. T. Julie Dimthuamching (Secretary, ELWAD) leh Local Pastor Kamsuanlal te Delhi in palai in ki sawl ding hi. MELCD in tun-le-kuan train bahara (Delhi-Guwahati) ki tuohsah ding hi. Tuoban ah Pi Niangzadim pen flight ah a bei zaza tuohsah hi ding hi.

## EDITORIAL BOARD

I Chairmanpu'n Pu T. Zamlunmang zong Manipur South District Gospel Centenary Delhi a lopna ding ah Souvenir Editorial Board ah pang hi.

## DAMLOUTHUMPINGAI

MELCD General Secretarypu Bruce K. Thangkhal nau, Mh. Liannu damlou Safdarjung Hospital a etkol ahinnuo in Inn a ki enkol ding in discharge hita. Tu'n ahileh inn a etkol in um hi. Ang dam siengna ding in thumpi zing vai. Tuoleh ZCBC President leh MSRTC a General Manager Upa Ginkhosoi @ T. Soibem zong a chingpigu lam buoi in Orthonova Hospital, opposite IIT gate ah ki operation, ama zong thumpi vai.

## PASTOR TERM

Local Pastor a bulpите'n ang koi Pastor Kamsuanlal pen kum khat ching ding hita ahiman in Executive Committee in kum 2 ang belap sah dingua bulpi a ngetna bawl ding in hoi kisata.

## HATTUOMVAN

I hattuum ding leibe poimaw kisa a, hun teng a buoilou a zah thei ding in Gas Stove aliente khat leh daanbel aliente khat tuoh lei ding in Nu Irene Tungnung ki guot.

## KHRISTMASTUOKHAWM

Tukum Khristmas tuokhawm dinga hing ki bikhieh dungjui in kipe valieita. Tuni chiengin ahileh akim lam pang hita hi. Lemtanlouna zieha na pieh man nailou kha leh Pastor pa kungah pieh thei zing ahi.

## HOLYBIBLELEITHEIZING

Zou Holy Bible suttha pen a leinuomte dingin lei thei zing. Pi Niangzadim leh Pastor pu kungah bang chilai pou in kan thei zing ding hi. Na lei di ngal ngal leh kinaw deu lechin, midang zong a leinuomtampi um hi.

melcindia.wordpress.com ana hong jel aw izaw!

**Manipur Evangelical Lutheran Church, Delhi**

Constituent Member Church of ELCITHS | Regd.No.101 of 1987 Govt.of Manipur.

Regd.No.194160073 with Ministry of Home Affairs, Govt.of India

Hqtr. Zomi Colony, Churachandpur - 795128, Post Box- 10, Manipur India

**MELC Delhi**

#586, 3rd Floor, PK Malik Building

Bank Street, Munirka, New Delhi - 110067

melcdelhi@gmail.com | 9990671987

**CHRISTMAS 2009 VAIGUON**

Thupi: "Ei dingin Hundampa ahing piengta" Isai 9:6

Sun Kikhop (12:00 Noon)

Amun: NTBC Biehinn &amp; Chairmanpu Inn

Conductor : Bruce K. Thangkhal  
 Hunpan : Pastornu Niengzadim  
 Lapawl : LYF Delhi  
 Bible Kidemna : Isai 9: 6 & 7 (Zokam)  
 Special No. : A ut ut  
 Message : Pastor T. Kamsuanlal  
 Christmas Tuokhawm: Chairman, LCC  
 ThanksGiving : Kum 2009 a sepna muteng  
 Thupuon :  
 Tawpna la :  
 Guolzawlina : Pastor

**LEENGKHAWM | NTBC Biehinn**

Puitu : Dr. David Vumlallian  
 Refreshment : Christmas Cake Cutting  
 Annkuong : Chairmanpu Inn ah  
 Leengkawm : Chairmanpu inn ah

**KUMTHA 2010 VAIGUON**

Amun : Chairmanpu Inn

Ahun : 12:00 Noon

Ani : January 01, 2010

Thupi: Sil luite abeita, ngai un ahing tha tahi. II Cor. 5:17

Conductor : Hausianmuan, Chairman LYF  
 Hunpan : Julie Dimthuamching,  
 Secy., ELWA  
 La kidemna : Khristian Latha bu 200  
 Thumguolna :  
 Message : Evan. Paul Pauzakham,  
 Moonlight Ministry,  
 Satyam Vihar, New Delhi  
 Tuokhawm : Pastor  
 Thupuon :  
 Tawpna la :  
 Guolzawlina : Pastor

**LEENGKHAWM**

Leader : Tv. Khuplianlam (Sun Hun)  
 Annkuong : Chairmanpu Inn ah  
 Leader : Tv. TZ Zou leh Douminlian (Jan)

**THEIDINGAPOIMAWTE**

1. Christmas leh Kumtha lapui dingte: Jonathan, Haumuanching, Khamsianpau, John Onkholian leh Pricila Hoipi.

2. Christmas a Laisiengthou kidemna ahileh Bible suttha pen zah a Zoukam vate a gen ding. Tamna Prize 3na tan um dinga, conolation prize zong 3 tan um ding hi. Tv. Khuplianlam, Fin/Treasurer, MELCD in a bei teng tuoh ding.

3. Christmas nia leengkawm na mun ah Cake Cutting um dinga, tuomi ahileh Nh. Julie Dimthuamching, Secy., ELWA in tuoh ding hi.

4. Kumtha 2010 chienga la kidemna ding ahileh Lathabu No. 200 - Na pammai, na pammai (Labu revised &amp; enlarged edition 2009) pen zah ding. Tang 2 tan leh a thunun sah ding. Nuomman ahileh Pi Niangzadim in 3na tan tuoh ding hi.

5. Christmas leh Kumtha chienga Mess Manager dingin Nu Irene Tungnung muongtah a ngansie ahi.

**KHANGPIDAW GOSPEL OLYMPIC 2010**

Ahing tung ding 22-25 Jan. 2010 sung Khangpidaw Khawmpi "Malam naw un" (Philippi 3:13) chi Thupi a jang in Singngat MELC ah um ding ahia, tam hun pen Gospel Olympic toh thuokhawm ahi ding a Khawmpi sung teng The Right Dr. Ginkhanmung Zou, Bishop MELC Thugenpi/Speaker in pang ding hi.

Kidemna tuamtuam jong aum ding ahia. Kidemna dingte khochin lapawl, a sa tampen leh a siem pen IInd tan prize pia ahi ding hi. Dist. chin ah jong lapawl kidemna aum ding hi. Tualeh, Male Voice, Female Voice, Treo chite zong aum ding a, Games & Sport ah Volley Ball numei/ pasal aum ding hi. Games & Sport ah Chief Guest tampi hat ahi ding hi. Anop theipen a jang ding in koipou kisa chiet vai.

**Note :** Khawmpi sung a thei dinga poimawte :-

1. Khochin ki camp chiet ding, 2. Um leh bel eima poimaw kiken chiet ding. 3. Volley Ball kidemna pen dist. chin ahi dinga, games fee jong aum ding hi. Lamka dist ah team 2 Gundung dist. ah jong team 2 Singngat ah jong team 2 leh Behiang leh Kailam Sub-Dist. ah team 1 tuah ahi ding hi. 4. Eima kho chiet ki ettup ding (control ding). 5. Flag/banner khochin in kiken chiet ding. 6. Khawmpi prog. ang kihawmbai ta d.

**MOREH BIAHINN HONNA**

Dec.15, 2009 nin Zogam a biehin bawlina beitam pen Immanuel Church, Moreh MELC Biahinn honna leh Church Silver Jubilee lopna um.

**ZOGAL MEMORIAL HALL PROJECT CALENDAR 2010**

Zogal Memorial Hall project toh kisai in UZO GHQ in 2010 Calendar bawl. UZO Delhi Unit in zong copy 100 kizuo ding. Copy khat ah Rs. 500 aat atung lam ki ngap zaza in lei thei ding hi. Tuoleh sawtlou in Zogal Memorial Hall toh kisai in Delhi mising in ngap zaza i tuoh ding uh ngetna UZO Delhi Unit in appeal letter hing hawm ding.

**MELC Delhi in sawtlou in website thupitah nei pai ta ding. Tulaitah in a innku chivel kigeel panpan ta hi.**